

Yeshua, Esun Ungi di Israel i Juda; Su luga di Biba!!!

I den e dia ei boso lo bisa: "Duna gradisimentu na SEÑOR, invoká Su Nòmber. Hasi Su Echonan konosí entre e pueblonan; hasi nan kòrda ku Su Nòmber ta halsá." Alabá SEÑOR ku kantika, pasobra El a hasi kosnan Ekselente. Laga esaki ta konosí den henter tera. Halsá bos i kanta di alegria, O habitante di Sion, Jerusalem pasobra grandi ta Esun Santu di Israel meimei di boso. (Isaias 12:4-6).

Yeshua: e Lei, e Enseñansa di Dios Tata!!!.

E Lei di SEÑOR ta Perfekto, e ta Restorá alma; e Testimonio di SEÑOR ta Fiel, e ta hasi hende simpel bira sabí. E Preseptonan di SEÑOR ta Korekto, nan ta Alegrá Kurason; e Mandamentunan di SEÑOR ta Puru, nan ta iluminá wowo. E Temor di SEÑOR ta Limpi, e ta Permanesé pa Semper; e Huisianan di SEÑOR ta Bèrdadero, nan tur ta kompletamente Hustu. (Salmo 19:7-9).

Yeshua: e Lei, e Enseñansa di Dios Tata!!!.

"No kere ku Mi a bin pa abolí e Lei òf e Profetanan; Mi no a bin pa abolí, sino pa kumpli. Pasobra di Bèrdat Mi ta bisa boso, te ora ku shelu i tera pasa, ningun yota ni tilde di e Lei lo no pasa, te ora ku tur kos keda kumplí. Esun anto ku anulá un di e Mandamentunan di mas chikitu aki, i siña hende asina, lo wòrdu yamá esun di mas chikitu den e reino di shelu; ma esun ku warda nan i siña nan na otro, esei lo wòrdu yamá grandi den e reino di shelu. Pasobra Mi ta bisa boso, ku si boso hustisia no surpasá hustisia di e eskribanan i fariseonan, boso lo no drenta e reino di shelu." (Mateo 5:17-20).

Yeshua: e Lei, e Enseñansa di Dios Tata!!!.

Pasobra E mes ta nos Pas, Kende a hasi tur dos grupo bira Ún, i a tumba e muraya meimei ku ta separá, dor di abolí den Su Karni e enemistat, kual ta e Lei di Mandamentunan kontení den e Ordenansanan, pa den Su mes E hasi e dosnan bira Ún Hende Nobo, asina stablesiendo Pas, i pa Rekonsiliá nan dos den Un Solo Kurpa ku Dios dor di e Krus, matando e enemistat pa medio di djé. (Efesionan 2:14-16).

Si Yeshua ta e Lei, e Enseñansa ku ta kontení e Mandamentunan, e Preseptonan, e Huisianan segun Salmo 19:7-9 i den Mateo 5:17 Yeshua mes ta bisa: "No kere ku Mi a bin pa abolí e Lei òf e Profetanan; Mi no a bin pa abolí, sino pa kumpli, ta kon Pablo por bisa den Efesionan 2:15 ku Yeshua a abolí den Su Karni e enemistat, kual ta e Lei di Mandamentunan kontení den e Ordenansanan?"

E Bèrdat ta sinta den diferensha enter e Lei skirbi i e Lei di boka pa boka. Abraham a haña e Lei di boka pa boka (Génesis 26:5) i Moises a haña e Lei skirbi (Hosue 1:7-9). Pablo ta referi aki e Lei di boka pa boka (Efesionan 2:15), ku e eskribanan i fariseonan a scirbi pone aserka e Lei di Dios (Mateo 5:20).

1 mart 2020

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remslly L Riley.